

Peb xav koom ua ke
TAG NRHO
Wisconsin los txhawb
cov neeg muaj kev
xiam oob khab kev loj
hlob kom lawv thiaj li
coj tau lub neej ywj
pheej tshaj plaws



Wisconsin Kev Xyaum Ua Hauj Lwm Rau Txoj Cai Lij Choj Kev Xiam Oob
Khab

Pob Ntawv Thov



Koj yuav los ua Tus Thawj Coj hauv Kev Cai Lij Choj Kev Xiam Oob Khab hauv Wisconsin

Lub sijhawm muab ua ntawv thov: Kaum Hlis Hnub tim 31, 2025 thaum 5 teev tsaus ntuj



Wisconsin Pawg Neeg Ua Hauj Lwm rau Cov Neeg Muaj Kev Xiam Oob Khab Kev Loj Hlob (BPDD) yog ib lub koom haum ywj pheej ntawm xeev uas cog lus los tawm tsam thiab tiv thaiv cov cai thiab kev koom nrog ntawm cov tib neeg uas muaj kev xiam oob khab kev txawj ntse thiab kev loj hlob (I/DD).

Wisconsin Lub Khoos Kas Xyaum Ua Hauj Lwm Rau Txoj Cai Lij Choj Xiam Oob Qhab (The Wisconsin Disability Policy Internship Program) yog ib qhov kev pab 6 hlis, ib nrab

sijhawm (24 teev hauv ib lub lis piam) uas muaj nyiaj them, tsim los muab ib txoj hauv kev los tsim kho kev ua haujlwm yav tom ntej hauv kev cai lij choj kev xiam oob khab. Qhov haujlwm no tau txais nyiaj pab los ntawm Inclusa Foundation. Cov tub ntxhais kawm xyaum ua hauj lwm yuav tau txais \$20 ib teev thiab yuav ua haujlwm hauv cov faib hauj lwm tseem ceeb ntawm Wisconsin, cov chaw haujlwm ntawm tsoom fwv xeev, lossis cov koom haum kev xiam oob khab.

Qhov kev xyaum ua hauj lwm no tsom rau kev nkag siab txog yuav ua li cas txoj cai raug tsim, yuav ua li cas cov cai ntawm cov kev pab cuam raug tsim, thiab yuav ua li cas cov cai pej xeeb cuam tshuam rau tib neeg lub neej. Qhov kev pab cuam no tsom mus rau cov cai uas cuam tshuam rau cov neeg muaj kev xiam oob khab uas siv cov kev saib xyuas ntev ntev hauv Wisconsin. Qhov no yog ib qhov kev pab txhawb nqa kev ua haujlwm hauv kev cai pej xeeb rau cov neeg tawm tsam uas xav tsim ib txoj hauv kev mus rau txoj haujlwm kev cai lij choj.

BPDD cog lus los txhawb thiab qhuas kom ib pawg neeg thov dav dua koom nrog Wisconsin Lub Khoos Kas Xyaum Ua Hauj Lwm Rau Txoj Cai Lij Choj Xiam Oob Qhab (Wisconsin Disability Public Policy Internship Program). Yog tias koj xav tau kev pab los ua kom tiav koj daim ntawv thov lossis koom nrog qhov kev xaum ua hauj lwm, thov qhia rau peb paub. Peb nyob ntawm no los muab kev txhawb nqa uas koj xav tau kom koj ua tiav.

Yuav Tsum Muaj Thaum Thov

- Paub txog koj tus kheej tias yog ib tug neeg muaj kev xiam oob khab kev loj hlob lossis yog ib tug tswv cuab hauv tsev neeg uas muaj kev xiam oob khab kev loj hlob.
- Muaj kev txaus siab qhia tawm hauv kev tawm tsam thiab kev cai lij choj kev xiam oob khab.
- Muaj peev xwm sib txuas lus zoo thiab ua haujlwm tau nrog pab pawg thiab sib haum nrog lwm tus.
- Kev paub yooj yim lossis muaj kev txaus siab txog kev tawm tsam ntawm qib xeev lossis

hauv zej zog uas cuam tshuam nrog kev xiam oob khab, kev saib xyuas ntev, haujlwm, kev kawm ntawv, lossis kev npaj ua haujlwm hauv zej zog.

- Yuav tsum cog lus ua haujlwm 24 teev hauv ib lub lis piam thaum lub sijhawm ua haujlwm ib txwm muaj (Hnub Monday txog hnub Friday ntawm 9-5) txij lub Ib Hlis 2026 txog Lub Rau Hli 2026.

Xav Kom Muaj Thaum Thov

- Kev paub dhau los (muaj nyiaj them lossis ua dawb) ua haujlwm nrog cov tib neeg uas muaj kev xiam oob khab kev txawj ntse thiab kev loj hlob.
- Kev paub dhau los (muaj nyiaj them lossis ua dawb) nrog kev tawm tsam ntawm qib xeev thiab/los yog qib teb chaws.
- Kev nkag siab yooj yim txog Wisconsin cov kev saib xyuas ntev ntev thiab cov kev pab cuam rau cov neeg muaj kev xiam oob khab.

Cov Hauj Lwm ntawm Qhov Kev Xyaum Ua Hauj Lwm Yog Dab Tsi?

- Koom nrog kev taw qhia thiab kev cob qhia txog kev cai pej xeev.
- Koom nrog cov txheej txheem ntawm tsoom fwv thiab cov kev pab cuam xeev los kawm txog cov cai uas muaj feem cuam tshuam rau kev xiam oob khab.
- Tsim kev sib raug zoo nrog cov neeg tsim cai, cov chaw hauj lwm hauv xeev, thiab cov koom haum tawm tsam.
- Mus koom cov xwm txheej, kev cob qhia, thiab cov sij hawm sib txuas lus.
- Tau txais kev cob qhia thiab kev coj los ntawm cov kws tshaj lij hauv kev cai lij choj kev xiam oob khab.

"Wisconsin Lub Khoos Kas Ua Thawj Coj Rau Txoj Cai Lij Choj Xiam Oob Qhab yog ib qho kev pab zoo siab uas BPDD siv los tsim cov thawj coj tshiab hauv kev cai lij choj kev xiam oob khab. Peb zoo siab los txhawb cov tib neeg uas muaj kev mob siab los thawb kev hloov tshiab thiab tawm tsam rau cov cai ntawm cov neeg muaj kev xiam oob khab hauv Wisconsin"

-Beth Swedeen

Tus Thawj Coj Thawj Tswj BPDD



Cov Chaw Uas Tuaj Yeem Muaj Nyob Rau Qhov Twg?

- Chaw Hauj Lwm Saib Xyuas Kev Noj Qab Haus Huv
- Chaw Ua Hauj Lwm Kho Dua Siab Kev Ua Hauj Lwm
- Chaw Hauj Lwm Qhia Ntawv Pej Xeev
- Chaw Hauj Lwm Thauj Mus Los
- Cov Chaw Hauj Lwm Tsoom Fwv Xaiv Tsa
- Cov Koom Haum Tawm Tsam

Qhov Kev Them Nyiaj Yog Li Cas?

Nyiaj pab txhua teev \$20 ib teev / 24 teev hauv ib lub lis piam

- Rov them nqi caij tsheb mus los
- Daim ntawv cog lus nrog BPDD
- Tsis muaj kev tuav pov hwm kev noj qab haus huv nrog qhov kev pab cuam no



Yog tias koj yog ib tug neeg muaj kev xiam oob khab uas siv cov kev pab pej xeem, BPDD pom zoo kom koj koom nrog Kev Pab Tswv Yim Txog Kev Siv Nyiaj Pab Ua Haujlwm (Work Incentive Benefits Counseling) UA NTEJ hnuv pib qhov internship kom koj kawm tau tias qhov nyiaj pab ntawd yuav cuam tshuam li cas rau koj cov kev pab.

Cov kws tshaj lij txog kev pab siv nyiaj pab ua haujlwm pab txhawb rau cov neeg muaj kev xiam oob khab los ntawm kev pab kom lawv ua tau cov kev txiax txim siab paub txog kev ua haujlwm. Lawv pab cov neeg nkag siab txog yuav ua li cas lawv thiaj tau txais txiaj ntsig los ntawm kev ua haujlwm thiab pib txog cov cai tshwj xeeb hais txog kev rov qab mus ua haujlwm. Lawv kuj pab cov neeg nkag siab txog yuav ua li cas lawv txoj haujlwm thiab nyiaj tau los thiaj li cuam tshuam rau lawv cov nyiaj pab kev xiam oob khab.

Koj yuav nrhiav tau cov ntaub ntawv ntshaj thiab qhov chaw nrhiav tau ib tug kws pab tswv yim txog kev siv nyiaj pab ua haujlwm ntawm DHS Website hauv Cov muab lus qhia txog cog txiaj ntsig:

[Work Incentives Benefit Specialists | Wisconsin Department of Health Services](#)

Thov hu rau Sally Flaschberger los ntawm email ntawm sally.flaschberger@wisconsin.gov los sis hu xov tooj rau 608-266-5038 yog tias koj muaj lus nug lossis xav tau kev pab nrog daim ntawv thov.

Xa koj daim ntawv thov ua ntej lub Kaum Hlis Hnuv tim 31, 2025 thaum 5 teev tsaus ntuj

Txuas rau daim ntawv thov online: [Daim Ntawv Thov Xyaum Ua Hauj Lwm](#)

Los yog siv tus QR Code los nkag mus rau daim ntawv thov



Thov xam txog kev koom nrog ib lub rooj sib tham qhia ntaub ntawv txog Wisconsin Lub Khoos Kas Xyaum Ua Hauj Lwm Rau Txoj Cai Lij Choj Xiam Oob Qhab (Wisconsin Disability Policy Internship Program) rau hnuv tim 8 Lub Kaum Hli, txij 12:00 tav su txog 1:30 tav su.

Lub rooj sib tham no yuav muab cov ntsiab lus ntxaws txog qhov kev pab cuam thiab txheej txheem xa daim ntawv thov. Ntxiv mus, peb yuav muab cov ntaub ntawv txog kev sau ib daim ntawv thov kom zoo thiab cov txuj ci xam phaj. Koj yuav muaj sijhawm nug lus.

Thov sau npe ua ntej rau lub rooj sib tham no:

<https://us06web.zoom.us/meeting/register/4ZNcrUNQTmmzkdquZuOTaA>

Tom qab koj sau npe lawm, koj yuav tau txais ib tsab email lees paub uas muaj cov ntaub ntawv hais txog kev koom nrog lub rooj sib tham. Kuv yuav ua daim vis dis aus kaw cia, thiab txhua tus uas tau sau npe yuav tau txais daim vis dis aus kaw cia thiab daim PowerPoint tom qab lub rooj sib tham.